

# Ш О В Н И Н И

Dr. I. Đ. Višošević, rektor grkt. sjem. Zagreb g. g.

## ЗА РУСНОХ У ЈУГОСЛАВИЈИ

„Руски Новини“ виходаа кажти гдѣнь. — Предплата на рок 55 Дин. Адреса: „Руски Новини“ Р. Керестур. Число Чековног рахунку 59-356.

Видава: Руске Нар. Просв. Дружтво За редакцију одповеда: Мих. ФИРАК.

### Биланц прешлих 20 рокох живота у Р. Керестуре.

Пред 20 роками на теј територији, дзе ми живеме, державна власц пременела својого газду. Кажда селѣдба значи у доме попревацани шор, па так и наша нова держава у темельох пременела наш социјални, економски, политични и културни живот.

Оглядніме ше назад и опачме, цо нам прешли 20 роки принесли!?

#### СОЦИЈАЛНИ ЖИВОТ НШОГО ВАЛАЛА.

У нашим социјалним живоце мађарски аристократизм (вельке панство) заменил сербски демократизм. Власц високих титулох превжал класно неподзелени, у другим рабству и у веліх войнох охудобени и зединени народ. Режим вельких дборох заменила аграрна реформа. Сербска демократија пришла як вистник братства и еднакости. Гражданство свой социјални живот почало розумиц и толковац на тот нови способ. Класну борбу поединих дружтвених класох по швец шветога война не змирела, але якда ище и поштрела.

Шицко того мало глібоки вплив и на наш дружтвени живот у валале. Такој у перших рокох, нашо жительство подзелело ше на два табори, на худобних и на газдох.

Класну борбу у нас не створела ніяка идеологија. Вона резултат економских приликох нашей бліжшей и дальшей околицы.

Под режимом вельких доброх наша худоба свой хлеб заробйовала вонка поза нашим хотаром. Зос аграрну реформу вельо нашо фамелији страцели возмжносц заробку. На приклад добро «Косанчич» скорей давало 100 до 150 фамелијом зос Керестура рочни хлеб, нешка ту робя лем дас 2—3 фамелији стално. На тот способ нашому валалу поставел ше еден чежки социјални вопрос.

Ришиц тот социјални вопрос трудзели ше и валалски управи, а помагали и державни власци.

#### НОВИ ХИЖИ.

Наш валал 1919. року худобним фамелијом розделел 95 порти за будоване хижох, а 1924. року розделел ище 163 порти. На тих портох вредни рѣки нашей худоби за кратки час направели хижы и так велі худобни фамелији достали голем власни кров. А ришел ше добре и станбени вопрос нашого валала, бо иншак мало ест хижы за издаване под кирију.

У часу ступаня до живота аграрней реформи державни власци нашим 616 фамелијом дали 850 гольти орачей жеми у хотарох Торжи, Коцѣра, Кули и Червинки. После ревизији конечно добили 246 фамелији 1070 гольти жеми у хотарох Торжи, Билей, Кули и Вепровачу. Крем того 42 фамелији достали коло 350 гольти жеми у Вайски. Тото ублаговало, але не ришело наш социјални вопрос, бо худоба добила у найвекшим числу лем по еден по два гольти жеми, а таки фалаток жеми не рентабилно обробйовац у власней режији.

#### ШАЦЕ КОНОПИ.

Социјалне и материялне стане нашей худоби у вельо поправела производня индустријских рошлінох, понайбаржей конопи. Так у остатних рокох класна борба худоби

### Едносц нашого народа на Горніци.

„ЕДЕН БОГ, ЕДЕН НАРОД, ЕДЕН ВОЖДА!“

Ми уж писали, же на Карп. Украјни були шицки странки забранети. Аж тераз пред виберанками за перши наш сойм (парламент) основана една странка за цали народ, а вола ше „Украјнске Народне Обеднане“ (зединане) кратко УНО. На його коле як вожд стої Федор Ревай, брат министра Юлијана Ревая и познати неустрашими народни боритель ище за Мађарскеј Заменик вожда Михайло Тулѣк, Главни Секретар Андри Ворон, Секретар Иван Рогач, Редактор Василь Гренджа-Донский, найвекши наш поета и писатель на Горніци. Референт пропаганди: Др. Владимир Комаринский, Контролор: Микола Бабота и Др. Микола Бандусяк.

Члени водства: Начелник Аугустин Штефан, вец Др. Михайло Брацајко, Ирина Невизка, Др. Стефан Росоха, Юрий Павуханич, Др. Микола Долинай, Штефан

Клочурак, о. Вас. Лар, Митроэ Німчук, Михайло Марущак о. Митро Попович, Иван Клемпущ и Др. Михайло Гупаловский.

Дневник „Нова Свобода“ будве орган УНО, а главни редактор будве Василь Гренджа-Донский.

За вибори були придани два листи, една народна од Народней Ради, а друга батогашко-мађаронска. Главни одбор за вибори приял и батогашку листу, гоч не була прописно составена, лем ю вѣцел, да ше допольни. Але батогаше вецей листи не придали, бо ю не могли ушориц. Виявело ше, же вони кладли и подписовали веліх людвох на листу без и проци їх знаня. Так 12. фебруара будве на виборох лем една народна листа, котрей на коле найзаслужнейши человек на Горніци о. Др. А. Волошин, премиер нашей влади у Густу.

### Большевици страцели Барселону.

Война у Еспанији приближуе ше ту концу. Штварток 26. януара вошло народне войско до главного варошу Каталонии Барселони. Большевицка влада сцекла до Французкеј, а президент большевицкеј еспанскеј републики Аваня сцекнул аж до Швайцарскеј. Зос собу вжал груби миллиони зос еспанскеј народней банки. Велька часц Барселони, едного од най-

красних варошох у Европи розваляна. Жительство сердечно витало народне войско, котре го вишлѣбодзело од страху, гладу и насилства большевицкеј влади. Большевици ище маю у Каталонии фалаток жеми при французкеј граніци зос варошом Герона, але то за дзень-два будве тиж вишлѣбедзене. А вец придае шор на Мадрид и Валенсию.

### Так треба!

Наша влада на Горніци видада у звязи з виборами едну барз мудру и хасновиту наредбу за народних заступникох: посланики у нашим парламенту не буду мац ніяку ставмну плацу. Лем за тоті днѣ, кед ше парламент видзе на наради буду мац малку дневницу и

путни трошок з дому и назад. Так би требало ушориц у шицких парламентарох та вец би ше не цѣскали за посланикох кояки людзе пре посланичку плацу, але заступали би народ лем таки, хтори сву наисце дацо добре зробиц.

и газдох змирена и водзи ше до своіх розумних граніцох.

#### СОЦИЈАЛНЕ ПОДЗЕЛѢНѢ.

Нашо газдове по своім економским богатству подзелени на моцнейших и на штредних газдох.

Моцнейши газдове, котрих капитал виноши коло миллион динари, за прешли 20 роки знали вихасновац послевойнову консктуру, па так степен розвитка свойого газдовства отримали и за време газдовскеј кризи. Газдовска криза давним добре пришла, бо од задлужених штредних газдох могли накупит за туні пенеж досц вельо жеми. На тот способ вони очували, па и повекашали свою екокомско-експанзивну моц и у змаганію зос Немцами.

#### СТВАРАНѢ ВЕЛЬКИХ ДОБРОХ ПРЕЧИ УМНОЖОВАНѢ НАРОДА.

Штредни нашо газдове отримую ше зос повекашованьом рентабилносци жеми и зос шпекуляцију у вредносци жеми. Моцнейши газдове одкупілоу жеми у керестурским хотаре од штредних газдох по релативно драгеј цени, а предавци купілоу у хотарох околних валалох, лебо наших емиграцијних дальших местох вецей жеми по туншей цени. Вони на тот способ отримали прирост свойого капитала зос приростом членох іх фамелији. Не постали худобнейши, гоч ше и повекашало іх число!

#### ЧИСЛО ЖИТЕЛѢОХ НАШОГО ВАЛКЛА ЗА ПРЕШЛИ 20 РОКИ РОСЛО.

Року	родзени	умарли	прирост
1919	280	129	151
1920	239	113	126

Року	родзени	умарти	прирост
1921	229	142	87
1922	223	126	97
1923	223	112	111
1924	221	107	114
1925	216	106	110
1926	198	126	72
1927	211	138	73
1928	222	144	79
1929	209	139	70
1930	217	106	111
1931	211	88	123
1932	192	112	80
1933	224	97	127
1934	188	124	64
1935	145	99	49
1936	170	103	67
1937	138	105	34
1938	165	89	76

За 19 роки родзели ше 4121, умарли 2301, прирост жительство виноши 1820 души.

При концу 1920. року бул попис жительство и Керестур мал теде 4669 Русинох и 166 други народносци. У марцу 1931. року жительство поново пописане и теде число Русинох виношело 5070, а число других народносцох 176 (то лем у керестурским хотаре, крем Билей и др.). За тото време прирост Русинох виношел 950, но але у Керестуре од прироста остали лем 401, а виселели 549 души.

У перших 10 рокох по войны нашо жительство повекашало ше за 1070 души, у других то 10 рокох повекашане указуе лем 750 души. У остатних рокох керестурске жительство у своім приросту опадуе.

Од наших емигрантох пошли до Зеди-





